



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-04/2-04-34448/20
Sarajevo, 09.09.2020.godine

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), člana 17. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 2/12 – Prečišćeni tekst, 41/12, 8/15 i 13/17), člana 94. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", br. 36/99, 54/04, 39/06, 14/09, 45/16 i 40/18), člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18) i člana 3a. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo", broj 1/19 i broj 13-04/2-02-33888/20 od 09.09.2020.godine), ministrica za rad, socijalnu politiku, raseljena lica i izbjeglice Kantona Sarajevo, donosi

ODLUKU
o obilježavanju "Dječije nedjelje" u Kantonu Sarajevo za 2020. godinu

Član 1.
(Osnovna odredba)

Ovom odlukom preciznije se uređuje obilježavanje "Dječije nedjelje" u Kantonu Sarajevo za 2020. godinu (u daljem tekstu: "Dječija nedjelja"), termin održavanja, sadržaj i slogan "Dječije nedjelje", objavljivanje Poziva za obilježavanje "Dječije nedjelje" u Kantonu Sarajevo za 2020.godinu, način dodjele novčane podrške djeci i neprofitnim organizacijama iz tekućeg transfera neprofitnim organizacijama - "Dječija nedjelja", kao i iznos finansijskih sredstava za 2020. godinu koja su planirana za realizaciju "Dječije nedjelje", te druga pitanja značajna za provođenje Poziva i realizaciju "Dječije nedjelje".



Član 2.
(Termin održavanja i slogan)

(1) "Dječija nedjelja" se realizuje u cilju realizacije podrške djeci na području Kantona Sarajevo u periodu od 05.10. do 11.10.2020. godine.

(2) U okviru obilježavanja "Dječije nedjelje" imajući u vidu nepovoljnu epidemiološku situaciju uzrokovanu Corona virusom - Covid 19, učesnici obilježavanja "Dječije nedjelje" su dužni pridržavati se zdravstveno, epidemioloških preporuka i naredbi nadležnih institucija.

(3) Slogan "Dječije nedjelje" je: "Sreća svijeta je u očima Djeteta".

(4) Otvaranje "Dječije nedjelje" će početi svečanim obraćanjem ministrice za rad, socijalnu politiku, raseljena lica i izbjeglica Kantona Sarajevo (u daljem tekstu: ministrica) putem nadležne PRESS Službe u Kantonu Sarajevo.

Član 3.
(Poziv)

Na osnovu ove odluke, objavit će se Poziv za obilježavanje "Dječije nedjelje" na web stranici Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu:Ministarstvo) www.mrsri.ks.gov.ba.

Član 4.
(Učešće)

(1) Poziv iz člana 3. ove odluke će biti upućen Javnoj ustanovi "Kantonalni centar za socijalni rad" (u daljem tekstu: Kantonalni centar) i Koordinacionom odboru Udruženja osoba sa invaliditetom u Kantonu Sarajevo (u daljem tekstu: Koordinacioni odbor).

(2) Putem Kantonalnog centra i Koordinacionog odbora djeci koja su ostvarila smještaj u hraniteljske porodice, te djeci sa invaliditetom iz porodica, koje se nalaze u stanju socijalne potrebe, dodijelit će se novčana podrška.

Član 5.
(Uslov za novčanu podršku)

(1) Uslov za dobijanje novčane podrške za djecu koja su ostvarila smještaj u hraniteljsku porodicu je da je dijete u hraniteljsku porodicu smješteno rješenjem Kantonalnog centra.

(2) Uslov za dobijanje novčane podrške za djecu sa invaliditetom su loši zdravstveno-socijalni uslovi u kojima živi dijete i koje će se utvrditi od strane Koordinacionog odbora odnosno svako od Udruženja koje je u Koordinacionom odboru će predložiti po 2 (dvoje2) djece, koji su članovi tog udruženja, za dobijanje novčane podrške.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Član 6. **(Dostava spiska djece)**

(1) Kantonalni centar će Ministarstvu, Komisiji iz člana 7. ove odluke dostaviti Spisak djece smještenih u hraniteljsku porodicu, kao dokaz o ispunjavanju uslova iz člana 5. stav (1) ove odluke, a Koordinacioni odbor će dostaviti Spisak djece iz člana 5. stav (2) istog člana uz kratko obrazloženje.

(2) Ministarstvo će izvršiti uplatu novčane podrške djeci smještenoj u hraniteljske porodice putem bankovnih računa koje će dostaviti Kantonalni centar uz spisak iz stava (1) ovog člana.

(3) Novčana sredstva na ime novčane podrške za djecu sa invaliditetom iz porodica koje se nalaze u stanju socijalne potrebe će se uplatiti Koordinacionom odboru, koji će ovoj djeci uplatiti iznose novčane podrške.

Član 7. **(Sastav i poslovi Komisije)**

(1) Za provođenje postupka za obilježavanje "Dječije nedjelje", ministrica rješenjem imenuje Komisiju za provođenje postupka obilježavanja "Dječije nedjelje" u Kantonu Sarajevo za 2020. godinu (u daljem tekstu: Komisija) koja se sastoji od 5 (pet) članova.

(2) Komisija iz stava (1) ovog člana će u roku određenom rješenjem, obaviti sljedeće poslove:

- a) donijeti Poslovnik o radu,
- b) prikupiti prijave-prijedloge za dodjelu sredstava novčane podrške,
- c) izvršiti provjeru dostavljenih spiskova od strane Kantonalnog centra i Koordinacionog odbora,
- d) izvršiti ocjenu prijedloga prema dostavljenim spiskovima.
- e) sačiniti konačni spisak sa prijedlogom pojedinačnih iznosa novčane podrške.

(3) Nakon što Komisija utvrdi Konačan spisak djece koja ispunjavaju uslov za novčanu podršku, sačinit će odluke/u o dodjeli novčane podrške.

Član 8. **(Pravdanje utroška)**

Kantonalni centar i Koordinacioni odbor su dužni da prate da li su dodjeljene novčane podrške namjenski utrošene, od strane hranitelja ili roditelja ili staratelja, te da do 31.12.2020.godine Ministarstvu dostave Izvještaj o utrošku ovih novčanih sredstava za potrebe djece.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Član 9.

(Novčana sredstva za obilježavanje "Dječije nedjelje")

(1) U Budžetu Kantona Sarajevo u razdjelu Ministarstva, na poziciji NAM 002 – Zaštita porodica sa djecom planirana su sredstva za obilježavanje "Dječije nedjelje" i u 2020. godini ista iznose 20.000,00 KM.

(2) Sredstva za obilježavanje "Dječije nedjelje" prikupljaju se u skladu sa Uputstvom o načinu uplate prihoda po osnovu "Dječije nedjelje" ("Službene novine Kantona Sarajevo" broj: 6/14).

(3) Raspodjela sredstava za obilježavanje "Dječije nedjelje" se vrši u skladu sa prikupljenim i raspoloživim finansijskim sredstvima na poziciji iz stava (1) ovog člana.

Član 10.

(Donacije)

(1) U okviru obilježavanja "Dječije nedjelje" ministrica na osnovu prijedloga Komisije može dodijeliti donacije u novcu ili u stvarima udruženjima, fondacijama, ustanovama i drugim pravnim licima koja se bave zaštitom i brigom o djeci i njihovim porodicama, kao i porodicama sa djecom u stanju socijalne potrebe, sa ciljem poboljšanja njihovog socijalnog i drugog statusa.

(2) Dodjela donacija iz stava (1) ovog člana vršit će se na osnovu kriterija koje će izraditi Komisija.

Član 11.

(Naknada za rad Komisije)

Naknada za rad u Komisiji isplaćuje se u skladu sa Odlukom o načinu i obrazovanju i utvrđivanju visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj: 18/20).

Član 12.

(Rok i način podnošenja prijave za dodjelu sredstava)

(1) Rok za podnošenje prijave za dodjelu sredstava po Pozivu je osam dana od dana objave istog na web stranici Ministarstva www.mrsri.ks.gov.ba.

Član 13.

(Sadržaj odluke o dodjeli sredstava)

U odluci o dodjeli sredstava Komisija će utvrditi pojedinačne iznose odobrene aplikantima, te njihovu obavezu da sredstva moraju iskoristiti za realizaciju odobrene manifestacije.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Član 14.
(Stupanje na snagu Odluke)

Ova odluka stupa na snagu danom donošenja.

Pripremili:

Zoran Timarac, šef Odjeljenja [REDACTED]

Cica Pljevljak, šefica Odjeljenja [REDACTED]

Kontrolisali: Edina Jakubović, šefica Odjeljenja [REDACTED]

Slavica Gorančić, pomoćnica ministrica [REDACTED]

Dostaviti:

1. Sektor za socijalnu politiku

2. Sektor za finansijsko-računovodstvene i pravne poslove [REDACTED]

3. Evidencija

4. a/a



MINISTARICA

[REDACTED]



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666